

## Aymara - Kellkatanaca - Good Mind Scriptures

Levítico 24:12 ucanwa uca jakerojj uñjasipcaraquïna cuntejj Tatitojj Moisesaru uca jake toketja siscani uca yatiñcama.

Deuteronomio 18:6 Cawquïri levitatejj cawqha marcanacamatsa mistunini, cawquïri Israel marcan orakepatsa, ucatsti Tatu Diosan ajllit chekaparu jutañ munani,

Rut 1:18 Noemí warmisti Rut warmin jupamp chica sarañ munatapatjja, janiw juc'ampi cunsa siscjänti.

1 Crónicas 28:9 Juma Salomón munat wawajasti, uñt'ätawa awquimana Diosaparu, ucatsti take chuymaraquiwa jupar sirvïta, uqhamarac suma amtampiraqui, Tatitusti take chuymanacja sumwa uñji, uqhamarac yatiraqui cuna amtäwinacsa, lup"iwinacsa. Uqhamasti jumatejj jupar thaktätajja, jupasti jumarojj jicjjatayasítamwa, ucampis jumatejj jupat sarakäta ucajja, jupasti jumarojj wiñayataquiw jakonucütam.

Nehemías 4:6 Uqhamasti perkja sayt'ayasipcactwa, ucasti chicacama luratäjjänwa. Jakenacasti take chuymawa lurapjjäna.

Job 23:13 Cunapachatejj jupajj cuna lurañsa amtasi ucapachasti uca amtatapjja phokhapuniwa; janiw cunasa juparojj yakha amtayquiti.

Proverbios 29:11 Jan amuyt'an jakejj mäquiwa cunatsa colerasi, ucampis yatiñan jakejja colerasiñapjja mäquiwa apanucu.

Isaías 26:3 Tatay, jumaw sum uñtajja qhititejj mä sapa amtañaniquïqui ucarojjia, jupan jumaru iyawsatap laycu,

Marcos 5:15 Jesusan ucaru purinisinsti, ñankha ajayunacan mantatäcäns uca jakerojj suma isthapt'ata suma amuyunirac jicjjatapjjäna, uñcatasasti sustjasipjjänwa.

Lucas 8:35 Jakenacasti mistunipjjänwa cunati pascatayna uc uñjiri. Jesusan jac'aparu purisinsti, qhititti ñankha ajayunacajj mistcän uca jakeruw Jesusan cayuparu kont'atäsquiri, isthapita uqhamarac amuyuniraqui jicjjatapjje, ucatsti jupanacajj aijssarapjjänwa.

Hechos 17:11 Uca marcanquir judionacasti juc'amp suma chuymaniipjjänwa, Tesalonicanquir judionacat sipansa. Jupanacasti take chuymaw Pabloimpire Silasampirojj isch'uquipjjäna. Sapüruraquiw Kellkatanacsa yatjjatapjjäna —Uca arunacajj ¿chekapunipachati janicha? —sasa.

Hechos 20:19 Jan inact'asaraquiw jumanac taypinjj Tatiturojj sirviwayta take alt'at chuymampi, walja jachañanacana yant'anacanraqui, judionacan naya contra amtapjjatap laycu.

Romanos 7:25 Dios mayniquiw Jesucristo toke luraspajja. Chekpachansa nayajj yuspagartwa Diosaru. Nayasti amuyasisctwa Diosar take sirviñajja, ucampis jañchin munañaparjamajj esclavösctwa.

Romanos 8:6 Acapachancquis ucanacat llaquisiñajja jiwañar apiriwa, ucampis Ajayun jacañat llaquisiñajja wiñay jacañaru, uqhamarac sumancañaruw api.

Romanos 8:27 Ucampis Diosajj chuymanaca uñantasinjja yatiwa cuntejj Ajayojj sañ munqui ucija, Ajayusti Diosan munañaparjamaw jupanquirinacataquejj mayi.

Romanos 11:34 Uqhamajj, ¿qhitirac Diosan amuyañapsti amuyt'isti? Jan ucajj, ¿qhitich jupar yatichi?

Romanos 12:2 Janiy jumanacajj acapacha saräwinacarjamajja jacijapjjamti, jan ucasti amtañanacamanjja machakat amtasjjapjjam, uqhamat jumanacan jacañanacamajj sumäjjañapataqui. Uqhamatwa jumanacajj Diosan munañapja yatipjjäta, cunatejj asquïqui, cunatejj Diosarojj cusisiyqui, k'omäcaraqui ucanacsa.

Romanos 12:16 Jumanac taypinjja mä amtaniqui jacasipjjam. Janiraqui jach'a jach'a tucupjjamti, jan ucasti alt'at chuymani tucupjjam. Janiraqui wali yatiñanjamas tucupjjaraquimti.

Romanos 14:5 Yakha amuyt'awi: Mayninacataquejj mä urojj juc'ampïcaspas uqhamaw yakha urutjja. Mayninacataquisti take urus quicpaquïcaspas uqhamaraquiwa. Ucampis sapa mayniw amuyquis ucija sum yatiñapa.

Romanos 15:6 uqhamata takenisa mayaqui jach'a Dios Awquisaru yupaychañataqui, jupasti Jesucriston Awquiparaquiwa.

1 Corintios 1:10 Jilatanaca, Jesucristo Tatitusan sutipjjaruw achict'apijsma, maya amtañaniquïpjum, jan jumanac taypin yakhachasiñajj utjcanti. Jan ucasti, mä wawac sarnakasipjjam; mä sapa amtañani, mä chuymaniquiraqui.

1 Corintios 2:16 Diosan Kellkatapasti saraquiwa: “¿Qhitirac Tatitun amtäwinacapsti amuyt'aspasti? ¿Qhitirac Diosarusti yaticharaquispasti?” sasa. Ucampis jiwasajj Cristo Tatitun amtäwinacapanïpjitanwa.

2 Corintios 7:7 Janiw purinitapampiquiti, jan ucasti jupajj jumanacatjja wali cusisitänwa. Jupasti yatiyapjjaraquituwa kawcti jumanacajj nanacar uñañ munapquista ucjjatjja, nanacat llaquisipjjatamatsa yatiyapjjaraquituwa; take ucanac yatisinjja nayajj wal cusista.

2 Corintios 8:12 Cunapachatejj maynejj churañ muni ucqhajja Diosajj catokewa utjiriparjama. Jupajj janiw mayquiti maynin jan utjcchi ucqhajja.

2 Corintios 9:2 Nayasti jumanacan suma chuymanïpjatamijja yattwa. Ucatwa jumanacajj jilatanacasatac ofrenda apthapt'añ toketjja jan cuna sañäptassa. Macedonia tokenquir jilatanacarojj cusisiñampipuniw sistija: “Acaya tokenquir jilatanacajj maymäratpach janc'aquïpjewa yanapt'asiñataquejja” sasa. Ucatsti Macedonianquir jilatanacatjja waljaniw jumanacan suma chuymanïpjatam laycojj yanapt'asiñ munapjjaraqui.

2 Corintios 13:11 Jichhajj jilatanaca, cusisitapjjapunim. Jacañanacamansti chekapapunïpjum, chuymachasipjjaraquim, sumanaraqui jumanaccamajj jacapjjam. Samarañ churir munasir Diosaw jumanacampïscanejja.

Efesios 4:23 Jumanacajj machakar trocatäjjapjjañamawa ajayunacamansa uqhamarac amuyt'añanacamansa,

Filipenses 2:2,3 cusisiyapjjapunita uqham mä wawaqui suma jacasipjjatamampejja, mä munasiñan mayachataquiaqui uca quipca ajayuniquiraqui, mä sapa amtäwiniquiraqui. 3 Jan cunsa lurapjjamti purapat

ch'ajjwasajja, ni jach'a jach'a tucuň munasasa, jan ucasti alt'at chuymampi lurapjjam, maynit mayniru uňjasipjjam, maynejj jupat juc'amp sumäcaspas uqhama.

Filipenses 4:2 Evodiarusa Sintiquerusa achict'aractwa jupanacajj sumancapjjaňapataqui Tatitunquir suma cullacanacjama.

Filipenses 4:7 Diosajj jumanacarojj churapjjaraquítamwa samaraňapa, ucasti take cuntejj jakejj amuyt'caspas ucat juc'amp jach'awa. Uca samaraňasti jumanacan chuymanacamsa, amuyunacamsa imaniwa Cristomp mayaquípjatam laycu.

Colosenses 3:12 Diosajj jumanacarojj munapjjitamwa, jupancapjjaňamataquiw ajllisipjjtam. Uqhamajj qhuyapayasiňampi, suma jakëňampi, jisc'ar tucuňampi, llamp'u chuymaniňampi isthapitay sarnakapjjam.

2 Tesalonicenses 2:2 jan janc'aqui amuyunacamija mayjt'ayapjjaňamataqui. Janiraqui cuna casta ajayun arunacampis sustjayasipjjamti, ni cuna casta arunac ist'asinsa, ni cuna carta catokasinsa "Tatitun urupajj purinjjewa" sas kellkata ucatsa.

2 Timoteo 1:7 Diosajj janiw aijssaraň ajayu churquistuti, jan ucasti ch'amani, munasiňani, chekapar amuyt'aňa ajaywa churistu.

Tito 2:6 Uqhamaraqui waynanacarus waytt'am suma amuyunípjjaňapataquipuni.

Hebreos 8:10 Israel marcampi mä arust'äwi lurcä qhaya urunac khepata ucajja aqhamäniw, siw Tatitoja:

Jupanacan p'ekeparuw camachi arunacajj uchä, chuymaparuw kellkantaraquï. Ucapachaw nayajj jupanacan Diosapäyäjja, jupanacasti nayan marcajjäpjaraquiniwa.

1 Pedro 1:13 Ucatpï jilatanaca, jumanacajj wali amuyt'asipjjam cunti lurapcäta ucanacatjja, uqhamarac mä suma jacaňan sarnakapjjaraquim. Take chuymaraqui suyt'apjjam cuntejj Diosajj qhuyapayasiňapanija jumanacar churaňataqui waquichasqui Jesucristojj jutcani ucqhajja.

1 Pedro 5:2 Tatitun ovejanacapsti sum awatipjjam, ucanacasti jumanacar catuyatawa. Take munasiňampi ucjja lurapjjam, cunjämtejj Diosajj munqui uqhamarjama, janiw phokhayam sat laycuquiti, ni kollke munaň laycuquisa, jan ucasti take chuyma ucjja lurapjjam,

2 Pedro 3:1 Munat jilatanaca, acajj payiri cartwa kellkanipjjsma, paypach carta apayanipcsma ucanacanija ewjjanac toke walwa amuyt'ayaň munapjjsma.

Apocalipsis 17:9 Acanjja mayaw utji qhitinacatejj amuyt'apqui ucanacataqui: Uca pakallko p'ekejja pakallko kollunacaru uca warmejj kont'atäquis ucawa.